

文選雙字類要三卷

題（宋）蘇易簡撰

宋淳熙八年（一一八一）池陽郡

齋刻紹熙三年（一一九二）重修本。框高二十·九釐米，寬十四·三釐米。每半葉十行，行二十字，小字雙行行字不等，白口，左右雙邊。

此帙缺中卷，僅存上下二卷，上卷之末二葉係抄配。

是書未署撰者名氏。宋陳振孫《直齋書錄解題》著錄是書三卷，謂為蘇易簡所撰。《宋史·藝文志》亦著於錄，云有四十卷之多，且亦不知撰人。按：蘇易簡（九五八—九九七）字太簡，梓州銅山（今四川中江）人。宋太平興國五年（九八〇）進士第一，累官禮部侍郎、參知政事。出知鄧州，移陳州，卒。學識宏博，著有《文房四譜》、《續翰林志》及文集等。事跡具《宋史》本傳。

是書取《文選》中藻麗之詞，按類纂輯，每詞之下，間標有注語及出處，以備學者所取資。《四庫全書總目》將其列入存目，稱「其中語出經史、偶為漢以來詞賦採用者，亦即以採用之篇注為出典。易簡名臣，不應荒陋至此。」因疑是書為科舉之徒所集輯，託名於易簡而行世者。

此本前後無序跋，於宋諱「玄」、「弘」、「殷」、「讓」、「勛」、「構」、「慎」，皆缺末筆。版心上間鐫字數，下鐫刻工名氏，如卷上第二十三葉下鐫「王明」，第二十八葉下鐫「潘憲」，第三十葉下鐫「朱辛」；又凡經修補之版，版心下鐫有「壬子重刊」及重刊刻工名氏，如卷上第二十五葉鐫有「壬子重刊 楊珍」，第三十七葉下鐫「壬子重刊 黃寶」，第四十三葉下鐫「壬子重刊 劉升」。而原版刻工於修版中亦有重見，因知修版之時距原刻之歲相距不遠。按：中國國家圖書館藏李善注《文選》，係宋淳熙八年（一一八一）池陽郡齋刻遞修本，其版心下刻工名氏如「劉升」、「王明」等，與是本相合；又書末淳熙八年池陽郡守袁說友跋有「池陽郡齋既刊《文選》與《雙字》二書」語，因可推知是書亦初刊於是年，而「壬子重刊」之「壬子」，當為宋光宗紹熙三年（一一九二）。

此本鈐有「竹林中人」、「德興縣學書籍准條不許借出」印。今藏上海圖書館。（眭駿）